

საქართველოს ეროვნული უშიშროების საბჭოს აპარატი

შენობის დასრულების სამუშაოების (CPV 45400000) შესყიდვის

გამარტივებული ელექტრონული ტენდერის

სატენდერო დოკუმენტაცია

ქ.თბილისი
2013 წელი

სარჩევი

1.	ინსტრუქცია ტენდერში მონაწილეთათვის	3
2.	ტექნიკური დავალება	4
3.	სახელმწიფო შესყიდვის შესახებ ხელშეკრულების პროექტი	6
4.	დანართი N1 რეკვიზიტები	10
5.	დანართი N2 ფასების ცხრილი	11

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2. ტენდერთან დაკავშირებული ყველა დოკუმენტი ან/და ინფორმაცია წარმოდგენილი იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.5. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6. პრეტენდენტს არა აქვს უფლება წარმოადგინოს ალტერნატიული წინადადება.

1.7. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. ქ. თბილისი, ინგოროყვას ქუჩა № 7, საკონტაქტო პირი: ბადრი გრძელიძე. ტელ : +995 (32) 2744902;

2. ტექნიკური დავალება :

2.1. შესყიდვის ობიექტს წარმოადგენს საქართველოს ეროვნული უშიშროების საბჭოს აპარატის ბალანსზე რიცხული ფართის ნაწილის სარემონტო სამუშაოები მისამართზე ინგოროყვას ქუჩა N7.

სამუშაოების სრული ჩამონათვალი:

N	დასახელება	განზომილება	რაოდენობა
1	არსებული სანათების დემონტაჟი	ცალი	70
2	არსებული ხის ფანჯრების ანჯამების რემონტი	ცალი	8
3	ალუმინის კარის ბლოკის (100X220) შეცვლა ახლით (არსებული ელექტოსაკეტის გადატანით)	კვ.მ	2.2
4	ალუმინის კარის ფიქსატორიანი შვეიცარი	ცალი	1
5	მ.დ.ფ. კარის საკეტის შეცვლა ახლით	ცალი	4
6	მ.დ.ფ. კარის სახელურის შეცვლა ახლით	ცალი	2
7	ლამინატის დაგება იატაკზე (სისქე არანაკლებ 10სმ) ქვეშაგები სპეციალური საფენით და დამატებით ცელოფნის დაფენით	კვ.მ.	228
8	მ.დ.ფ. პლინტუსების (სიმაღლე 10სმ) მოწყობა	გრძ.მ.	25
9	კედლის შეღებვა სილიკონის ბაზაზე დამზადებული საღებავით (ევროკავშირის წვერი ქვეყნის წარმოება)	კვ.მ.	427
10	ჭერის შეღებვა სილიკონის ბაზაზე დამზადებული საღებავით (ევროკავშირის წვერი ქვეყნის წარმოება)	კვ.მ.	210
11	ელ.როზეტი (ევროკავშირის წვერი ქვეყნის წარმოება) და მისი მონტაჟი	ცალი	23
12	ელ.ჩამრთველი (ევროკავშირის წვერი ქვეყნის წარმოება) და მისი მონტაჟი	ცალი	14
13	ელ.ჩამრთველი (რევერსები) (ევროკავშირის წვერი ქვეყნის წარმოება) და მისი მონტაჟი	ცალი	14
14	ელ.სანათების მონტაჟი (არსებული სანათებით)	ცალი	65
15	ჭერში სანათების ნახვრეტების შევსება თაბაშირ-მუყაოს ფილებით	ცალი	70
16	არაბული ფარდა-ჟალუზების ნაჭრების შეცვლა (კონსტრუქციების გარეშე)	კვ.მ.	19
17	ალუმინის ფარდა-ჟალუზების შეცვლა	კვ.მ	2.25

ყველა გამოყენებული მასალა უნდა იყოს მაღალი ხარისხის. იმ შემთხვევაში, თუ შემსრულებლის მიერ შესრულებული სამუშაო არ იქნება მოწონებული შემსყიდველის მიერ, შემსრულებელი ვალდებულია გამოასწოროს ან/და წარმოადგინოს შემსყიდველისთვის სხვა მისაღები მასალა ან სამუშაო.

2.2. პრეტენდენტის ტექნიკური დოკუმენტაცია უნდა შეიცავდეს შესყიდვის ობიექტის განფასებას. სატენდერო წინადადების ღირებულება უნდა მოიცავდეს ამ ტენდერით გათვალისწინებული შესყიდვის ობიექტის მოწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებულ უნდა იქნას დღგ-ს ჩათვლით. ხელშეკრულების ჯამურ ღირებულებაში გათვალისწინებული იქნება მხოლოდ გამარჯვებული პრეტენდენტის მიერ წარმოდგენილი სატენდერო წინადადების ფასი.

2.3 ანგარიშსწორება განხორციელდება წინასწარ, ხელშეკრულების ღირებულების 60%-ის ოდენობით, შესაბამისი ოდენობის საავანსო-საბანკო გარანტიის წარმოდგენის საფუძველზე (წარმოდგენილი საავანსო-საბანკო გარანტიის ვადა 30 კალენდარული დღით უნდა აღემატებოდეს მოწოდების საბოლოო თარიღს), ხოლო დარჩენილი 40%-ის ანაზღაურება მოხდება მიღება-ჩაბარების აქტის, სასაქონლო ზედნადებისა და საგადასახადო ანგარიშ-ფაქტურის წარდგენიდან არაუმეტეს 10 (ათი) სამუშაო დღის ვადაში.

2.4.

ა) პრეტენდენტმა უნდა წარმოადგინოს ფასების ცხრილი დანართი N2-ის მიხედვით.

ბ). სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

2.5. სამუშაოების დასრულება უნდა მოხდეს ხელშეკრულების გაფორმებიდან არაუგვიანეს 15(თხუთმეტი) სამუშაო დღის ვადაში შემდეგ მისამართზე ქ. თბილისი ინგოროყვას ქუჩა №7.

2.6.

ა) შესრულებულ სამუშაოებზე და გამოყენებულ მასალებზე უნდა ვრცელდებოდეს საგარანტიო პირობები არანაკლებ 1(ერთი) წლის ვადით.

ბ) საგარანტიო ვადის განმავლობაში მომწოდებელი ვალდებულია შეტყობინების მიღებისთანავე განახორციელოს შესყიდვის ობიექტის/ან მისი ნაწილის შეკეთება ან შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

გ) საგარანტიო ვადის განმავლობაში მიმწოდებელმა უნდა უზრუნველყოს შესყიდვის ობიექტზე გამოვლენილი ხარვეზების აღმოფხვრა შეტყობინების მიღების დღიდან არაუმეტეს შვიდი კალენდარული დღის ვადაში.

დამატებითი მოთხოვნები:

ა) სატენდერო წინადადება, აგრეთვე შემსყიდველს და პრეტენდენტს შორის ამ წინადადებასთან დაკავშირებული ყველა კორესპონდენცია და დოკუმენტაცია წარმოდგენილი უნდა იქნას ქართულ ენაზე.

ბ) პრეტენდენტის სატენდერო წინადადება უნდა შეიცავდეს შემდეგ ინფორმაციას:

-რეკვიზიტები;

-ფასების ცხრილი;

შენიშვნა:

-ამ პუნქტის „ბ“ ქვეპუნქტით გათვალისწინებული ყველა ინფორმაცია წარმოადგენს პრეტენდენტის სატენდერო წინადადებას, რომელიც უნდა აიტვირთოს სახელმწიფო შესყიდვების ერთიან ელექტრონულ სისტემაში პრეტენდენტის მიერ სატენდერო წინადადების შეთავაზებისას.

3. სახელმწიფო შესყიდვის ხელშეკრულების პროექტი /ხელშეკრულების პირობები დაზუსტდება გამარჯვებულ კომპანიასთან/

ხელშეკრულება N... სახელმწიფო შესყიდვის შესახებ

სახელმწიფო შესყიდვების კანონის და სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად,

წინამდებარე ხელშეკრულება დადებულია “-----” ----- 2013 წ. თბილისი.

ერთის მხრივ, საქართველოს ეროვნული უშიშროების საბჭოს აპარატს, წარმოდგენილი მისი (შემდგომში შემსყიდველი)

მისამართი: თბილისი, ინგოროყვას ქუჩა N7

საიდენტიფიკაციო კოდი: 203851377

და მეორეს მხრივ, პრეტენდენტის (დასახელება) მისი ხელმძღვანელის სახით (შემდგომში მიმწოდებელი),

მისამართი:

საიდენტიფიკაციო კოდი:

საბანკო რეკვიზიტები:

შორის

მუხლი 1. ხელშეკრულებაში გამოყენებულ ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ – კალენდარული დღე, კვირა, თვე.

1.4. „შემსყიდველი“ – ორგანიზაცია, რომელიც ახორციელებს შესყიდვას.

1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

მუხლი 2 ხელშეკრულების საგანი

2.1. ხელშეკრულებით გათვალისწინებული შესყიდვის ობიექტის აღწერა მოცემულია სატენდერო დოკუმენტაციაში.

2.2. პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული ყველა სხვა დოკუმენტი ქმნიან მოცემულ ხელშეკრულებას და ითვლებიან მის განუყოფელ ნაწილად, კერძოდ:

ა) წინამდებარე ხელშეკრულება; ბ)

მუხლი 3. ხელშეკრულების ღირებულება

3.1. ხელშეკრულების ჯამური ღირებულება შეადგენს _____ლარს.

3.2. ხელშეკრულების ჯამური ღირებულება მოიცავს მიმწოდებლის ყველა ხარჯს, რომელიც ხელშეკრულებით გათვალისწინებული შესყიდვის ობიექტის მიწოდებასთან არის დაკავშირებული.

მუხლი 4. შესყიდვის ობიექტის მოწოდების ვადები და ადგილი

4.1 მიმწოდებელმა წინამდებარე ხელშეკრულებით გათვალისწინებული შესყიდვის ობიექტის მიწოდება უნდა განახორციელოს ხელშეკრულების გაფორმებიდან 15 (თხუთმეტი) დღის ვადაში.

4.2 შესყიდვის ობიექტის მიწოდების ადგილია: ქ. თბილისი, ინგოროყვას ქუჩა №7;

მუხლი 5. შესყიდვის ობიექტის ხარისხი და გარანტია

5.1 მიმწოდებელი იძლევა გარანტიას, რომ შესყიდვის ობიექტი იქნება ხარისხიანი და სატენდერო

დოკუმენტაციით გათვალისწინებული პირობების შესაბამისი.

5.2. საგარანტიო ვადის განმავლობაში მომწოდებელი ვალდებულია შეტყობინების მიღებისთანავე განახორციელოს შესყიდვის ობიექტის/ან მისი ნაწილის შეკეთება ან შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

5.3. მიმწოდებლის მიერ 5.2 პუნქტით გათვალისწინებული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

მუხლი 6. ხელშეკრულების შესრულების კონტროლი

6.1. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი (ინსპექტირება) მიმწოდებლის მიერ ნაკისრი ვალდებულებების შესრულებაზე.

6.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 7. შესყიდვის ობიექტის მიღება-ჩაბარების წესი

7.1. შესყიდვის ობიექტის მიღება-ჩაბარება განხორციელდება, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

7.2. შესყიდვის ობიექტი ან მისი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

7.3. შესყიდვის ობიექტის (მისი ნაწილის) მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

7.4. შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული საქონლის წუნდების მიზეზის მითითებით.

მუხლი 8. ანგარიშსწორება

8.1. ანგარიშსწორება მიმწოდებელთან განხორციელდება შესყიდვის ობიექტის, ან მისი ნაწილის მიწოდების შემდეგ 10 (ათი) სამუშაო დღის განმავლობაში, მიღება-ჩაბარების აქტის გაფორმების, სასაქონლო ზედნადების და ანგარიშფაქტურის წარდგენის საფუძველზე.

8.2. ანგარიშსწორება განხორციელდება უნაღდო ანგარიშსწორების ფორმით.

8.3. ანგარიშსწორება განხორციელდება ლარებში. სახელმწიფო შესყიდვის დაფინანსების წყარო: სახელმწიფო ბიუჯეტი;

8.4. ანგარიშსწორება განხორციელდება წინასწარ, ხელშეკრულების ღირებულების 60%-ის ოდენობით, შესაბამისი ოდენობის საავანსო-საბანკო გარანტიის წარმოდგენის საფუძველზე (წარმოდგენილი საავანსო-საბანკო გარანტიის ვადა 30 კალენდარული დღით უნდა აღემატებოდეს მოწოდების საბოლოო თარიღს), ხოლო დარჩენილი 40%-ის ანაზღაურება მოხდება მიღება-ჩაბარების აქტის, სასაქონლო ზედნადებისა და საგადასახადო ანგარიშ-ფაქტურის წარდგენიდან არაუმეტეს 10 (ათი) სამუშაო დღის ვადაში.

მუხლი 9. ფასები

9.1. ხელშეკრულებაში განსაზღვრული ფასის ცვლილება დასაშვებია მხოლოდ საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში (დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა).

9.2. ფასების ცვლილების შესახებ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

მუხლი 10. ფორს-მაჟორი

10.1. ხელშეკრულების რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

10.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან დაკავშირებული და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით;

10.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

მუხლი 11. მხარეთა ურთიერთობა

- 11.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას;
11.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, ამ თარიღიდან რომელიც უფრო გვიან დგება.

მუხლი 12. მხარეთა უფლება-მოვალეობები.

- 12.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას ხელშეკრულებით გათვალისწინებული საქონელი;
12.2. შემსყიდველი ვალდებულია გადაუხადოს მიმწოდებელს ხელშეკრულების ფასი ხელშეკრულებით გათვალისწინებული პირობების შესაბამისად;
12.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს ხელშეკრულებით გათვალისწინებული საქონელი;
12.4. მიმწოდებელს უფლება აქვს მიწოდებული საქონლის სანაცვლოდ მიიღოს ხელშეკრულებით გათვალისწინებული ფასი.

მუხლი 13. მხარეთა პასუხისმგებლობა ხელშეკრულების პირობების შეუსრულებლობისათვის

- 13.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობისთვის ან არაჯეროვნად შესრულებისთვის;
13.2. თუ ერთ-ერთი მხარე არ ასრულებს ან არაჯეროვნად ასრულებს ნაკისრ ვალდებულებას, მეორე მხარე უფლებამოსილია წერილობითი ფორმით გააფრთხილოს იგი შეასრულოს ხელშეკრულების პირობები;
13.3. ხელშეკრულების ერთი მხარის მიერ ვალდებულებების კვლავ შეუსრულებლობის ან არაჯეროვნად შესრულების შემთხვევაში, მეორე მხარეს, შესაბამისი გაფრთხილების გაგზავნისა და დამატებით განსაზღვრული ვადის უშუალოდ გასვლის შემდეგ, უფლება აქვს ცალმხრივად ვადამდე შეწყვიტოს ხელშეკრულება.

მუხლი 14. გადასახადები და ბაჟები

მიმწოდებელი პასუხს აგებს შესყიდვის ობიექტის მოწოდებასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში

მუხლი 15. ხელშეკრულების ძალაში შესვლა და მოქმედების ვადები

ხელშეკრულება ძალაში შედის მისი ხელმოწერის დღიდან და მოქმედებს 2013 წლის 31 დეკემბრის ჩათვლით.

მუხლი 16. ხელშეკრულებაში ცვლილებების შეტანა

- 16.1. არანაირი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შეთანხმების გარდა.
16.2. ხელშეკრულების პირობების ნებისმიერი ცვლილება უნდა გაფორმდეს დანართის სახით, რომელიც ჩაითვლება ხელშეკრულების განუყოფელ ნაწილად.

მუხლი 17. ხელშეკრულების შეწყვეტა

- 17.1. ხელშეკრულება შეიძლება შეწყდეს:
ა) მხარეთა წერილობითი შეთანხმებით;
ბ) ხელშეკრულების ვადის გასვლის გამო;
17.2. შემსყიდველი უფლებამოსილია, ცალმხრივად შეწყვიტოს ხელშეკრულება, თუ მიმწოდებლის მიერ, დარღვეული იქნება საქონლის მოწოდების ვადები.
17.3. შემსყიდველის მიერ 10 დღით ადრე წერილობითი შეტყობინების საფუძველზე.
17.4. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან

მუხლი 18. დავების განხილვის წესი

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 19. დამატებითი პირობები

- 19.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 19.2. შემსყიდველი უფლებამოსილია მოშალოს ეს ხელშეკრულება ცალმხრივად დადგენილი პირობებით, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან სხვა მოქმედი კანონმდებლობით გათვალისწინებულ შემთხვევაში.
- 19.3. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 19.4. ხელშეკრულება შედგენილია ქართულ ენაზე, სამ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ორი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

მხარეთა ხელმოწერები:

შემსყიდველის მხრიდან:

მიმწოდებლის მხრიდან:

.....

.....

ბ.ა.

ბ.ა.

პრეტენდენტის რეკვიზიტები :

პრეტენდენტის იურიდიული ფორმა და დასახელება:

ხელმძღვანელის თანამდებობა, სახელი და გვარი:

პრეტენდენტის იურიდიული ან/ და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი

ელექტრონული მისამართი

მომსახურე ბანკის დასახელება

ბანკის კოდი:

ანგარიშსწორების ანგარიში:

ვადასტურებთ, რომ გაცნობილნი ვართ და შესყიდვების განხორციელების მთელი პერიოდის განმავლობაში, ვიმოქმედებთ „სახელმწიფო შესყიდვების შესახებ“ საქართველოს კანონის, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ მოთხოვნათა შესაბამისად. ასევე ვადასტურებთ, რომ ჩვენს მიერ შემოთავაზებული საქონელი სრულად შეესაბამება სატენდერო დოკუმენტაციაში მოცემულ ტექნიკურ დავალებას.

.....
პრეტენდენტის ხელმოწერა და ბეჭედი

სატენდერო წინადადების ფასი (დღგ-ს ჩათვლით, ლარი), ფასების ცხრილი და მოქმედების ვადა

შევსების თარიღი

საქონელს გთავაზობთ (.....) ლარად.

(პრეტენდენტის დასახელება)

(თანხა ციფრებით)

(თანხა სიტყვიერად)

დასახელება	ტექნიკური მახასიათებლები	რაოდენობა	ერთეულის ღირებულება	მთლიანი ღირებულება	გარანტია

თანამდებობა, სახელი, გვარი

შენიშვნა:

გამარჯვებულმა კომპანიამ, შემსყიდველის მოთხოვნის შესაბამისად, ვაჭრობის დამატებითი რაუნდების შედეგად დაფიქსირებული საბოლოო ფასის შესაბამისი (ასეთის არსებობის შემთხვევაში) ფასების ცხრილი უნდა წარმოადგინოს, ზემოაღნიშნული ფასების ცხრილის მიხედვით.